

---

## ВИЛОЯТИМИЗДА АЛИШЕР НАВОИЙ ТАВАЛЛУДИНИНГ 583 ЙИЛЛИГИ КЎТАРИНКИЛИК БИЛАН НИШОНЛАНМОҚДА

Буюк шоир ва мутафаккир, атоқли давлат ва жамоат арбоби Алишер Навоий таваллудининг 583 йиллигига бағишланган байрам тадбирлари вилоятимизда ҳам кўтаринкилик билан нишонланмоқда.

Бугун эрта тонгдан Фарғона шаҳридаги Алишер Навоий ҳайкали пойига гул қўйиш маросими бўлиб ўтди.

Тадбирда вилоят ҳокимининг ўринбосарлари, давлат ва жамоат ташкилотлари раҳбарлари, адабиётшунос олимлар, зиёлилар, талаба-ёшлар иштирок этди.

Вилоят ҳокимининг ўринбосари Файзулло Қосимов тадбирда сўз олиб, йиғилганларни ҳазрат Навоий таваллуди байрами билан қутлади, бобокалонимизнинг ижтимоий-сиёсий ҳаётига, унинг асарларидаги маънавий-тарбиявий жиҳатларга алоҳида тўхталиб ўтди.

Фарғона давлат университети катта ўқитувчиси, филология фанлари бўйича фалсафа доктори Миролимбек Ҳамидов Навоийнинг асарларидаги барча даврларга хос маънавий қудрат билан боғлиқ хусусиятлар ҳақида таҳлилий сўз юритди.

Тадбир давомида Эркин Воҳидов номидаги ижод мактаби ўқувчилари томонидан Алишер Навоий ғазалларидан намуналар, шеърлар ўқилди. Саҳна кўринишлари, куй-қўшиқлар ижро этилди.

Шоирга эҳтиром тадбири сўнггида йиғилганлар Алишер Навоий ҳайкали пойига гул қўйиб, ҳурмат бажо келтирдилар.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2024-02-09 11:19:01